

古田縣志卷之十七

實業志

國無游民則民生不匱地無曠土則生產不窮此實業所以為今日之要政也古田向稱貧瘠邇來因萑苻為患農村破產生活愈感困難則興業以裕民生尤屬不容或緩茲篇先之以農商團體之紀載繼之以新舊生產事業之概述凡以見物產之未臻興盛技術之未加改良而初具雛形之組織尙未足以語於優勝劣敗之競爭也纂實業志

勸業局

清季奉文開辦縣委邑紳徐應麟為局長呈報勸業道備查迨至民國初年改為實業局縣公署就當地士紳負有實業之資望者保送三人於實業廳廳委一人為局長初任為魏培中繼在為陳彬至民國十六年十月改稱建設局口本省建設廳仍委陳彬任局長旋於十七年七月停辦

古田縣志

卷之十七

實業志

一

縣農會

清光緒間成立民國十三年停辦今依新制由縣黨部指導組織計區農會一鄉農會七十二

縣商會

民國五平成立今依新制由縣黨部指導先組織八同業公會曰棉布業曰醬園業曰雜貨業曰糕餅業曰屠宰業曰藥材業曰酒業曰首飾業旋首飾業已解散增設杉木業仍為八同業公會而後產生商會現復有紙業同業公會之設立

平湖鎮商會

清光緒三十四年成立現由縣黨部指導組織計有屠宰業蘇廣業糕餅業菸酒業藥材業雜貨業紅糶業等同業公會

水口鎮商會

民國二十年成立現由縣黨部指導組織計有雜貨業魚貨業酒業藥材業屠宰業等同業公會

工會

由縣黨部指導組織計有木排轉運業梢排頭業口木業民船業木業土業金銀業成衣業甲道業等職業工會

古田縣合作處

在城內三保后巷丁氏宗祠初為古田縣合作指導員辦事處於民國二十五年九月成立二十七年八月改名並於各鄉設信用合作社七十二社其口口為社田社耕實物儲蓄合作造林兼營

農倉合作養魚合作金融等

古田縣中心農場

本縣曾於民國二十一年春在西關外四會亭邊設一公立農事試驗場由郭縣長釗令委汪炳又楊斯田為正副場長次年夏汪辭職以楊升補二十四年春因口口紬停辦二十七年冬黃縣長澄淵以改進農業生產有急設農場之必要口極籌備函請省農業改進處派技士李治來縣會同勘定南關外飛機場內沿公路一面所發還民田逾限尙未墾復耕種者總面積計有九十餘畝徵收充用經呈省政府核准於二十八年春成立

名曰縣立農場先後令委縣政府第四科科員陳瑞麟林夢禎技士汪炳文兼代該場主任按月員工薪給肥料等費額定二百元詳度支志悉力開墾區劃徵求各處農產良好種籽種植試驗謀以改善將來農業增進生產洵為吾邑之要政也
九年春奉
令易今名

古谷長途汽車公司 初設城內五保大街嗣遷一保橫街

縣電燈公司 邑有水利用以製造電燈民國十四年由發起人鍾春芸陳芸拱藍西玉等集資組織電燈有限公司在十城二都龜山地方設電燈廠一所安置發電機砌造水垣引溪水入廠以資發電該電碼力可四十疋支配三萬光平均十光三千盞並利用電力附設碾米廠

灣電燈公司 民國十八年創辦引坑水為電碼力約六疋有奇支配五千光平均十光五百盞

水電燈公司 民國某年創辦燒管口電不甚光亮致難持久今停辦

湖平電燈公司 民國二十年創辦

福建省銀行古田分理處 在城內四保中街初為古田縣金庫民國二十五年七月成立旋於二十六年四月改今名

中國銀行古田辦事處 在城內二保后街民國二十九年十月成立

古田縣志 卷之十七 實業志 一一

福建省貿易公司古田辦事處 在城內三保大街民國二十八年十一月成立為使地方日常需要物品供求適應並維持物價平衡

福建省古田縣糧食管理委員會 附設縣政府內民國二十九年九月成立為調劑糧食供需平衡價格並促進生產節約消費取締囤積居奇

福建省古田縣公沽局 附設縣商會內民國二十九年九月成立係遵照地方自治開始實行法中所規定辦理蓋即統制全縣糧食歸其買賣便供求適應其溢利為地方公有以辦公益

生產概況

水排鬪 清康熙間邑令陳瓊以水口居民背山面水無田可耕欲為謀生計久矣未幾擢陞本省巡撫遂于過困木排一項規定辦法凡上游木排過困時撤回原梢夫以困民代之梢至省會西河交卸立案勒碑以垂永遠一面設鬪額俾該鄉口照序輪梢困民賴以存活甚眾因立專祠為紀念迄今三百餘載矣乾隆二十八年又經邑令奉憲檄勒碑在案光緒三四年間五府公幫以爭梢起訴蒙閩浙總督何璟維持原案仍歸困民照梢並判決實價實夫每八連排頭夫應梢一名九連二名以次遞推光緒六七年間閩侯人張宗祥又出而爭梢蒙臬憲判決此種工作屬於困民別人不得侵佔民國某年木商應則陽翻控木排到困由木商自行雇運排頭夫不得霸梢蒙省長令飭道尹轉飭古田縣知事唐毅查覆後判決仍照舊章不得藉端唆訟民國十八年排尾王某推翻成案侵佔排頭梢工經排頭代表某起訴古田縣縣長許慶忠判決仍舊配梢排尾不得侵佔查困民千戶仰排鬪為生活茲根據采訪冊將乾隆二十八年憲牌及民國十八年縣示列入本志以垂久遠而資遵守至康熙間陳清端公所立原碑因燬於火無從抄錄

署福州府古田縣正堂兼理水口關鹽政加三級紀錄三次扎為

藐違憲禁案乾隆二十八年九月初八日蒙特授福州府正堂加三級紀錄三次張憲稟乾隆二十八年八月二十日奉福建等處承宣布政使司布政使加三級曹憲牌乾隆二十八年八月十二日奉兵部右侍郎兼都察院右副都御使巡撫福建等處地方提督軍務世襲騎都尉定憲牌本年七月十六日據沙縣木商劉欽士等具呈前事案查先於康熙五十七年四月據水口居民鄧爾敬等僉呈上游排夫不遵舊例網利強奪奉前撫憲陳批府查例詳報當經前府查明舊例上游排夫梢至水口交卸水口人夫梢至西河西河人夫交放過橋請照地界梢排給示嚴禁豎立木榜永以爲例等由詳奉前撫憲陳批加詳

古田縣志

卷之十七

實業志

三

照地界梢排給示爲例併行延平府知照嗣於康熙五十八年四月復據鄧爾敬等呈請出示照舊聽水口居民梢排至省又奉前撫憲呂檄府出示嚴禁曉諭□年八月據上游鴻士明等禁請勒僱代放奉前督憲滿批府移行嚴禁經□□府□□鄧爾敬等具呈情節兩岐錄案詳奉前督憲滿批都撫院既有定案毋庸再議等因各在案是上游梢排至省久有定界自可恪遵毋事紛爭等因合飭查案備牌行司到府仰縣立碑禁諭蒙此除出示外合行鐫碑嚴禁嗣後務遵憲行禁案上游五郡木排梢至水口交卸水口人夫梢至西河交卸上游排夫不得越界包梢水口人夫亦不得居奇挾制務各永遠遵守以息爭

端以安商民如有違犯定行拏究須至碑者乾隆二十八年十月二日給子民鄭日盛廖孔成康則義鄭天九林長煥朱邦典彭志榮廖祥榮歐昌發羅正揚等

古田縣政府佈告爲佈告事案奉建設廳令開案據水口兩河棹頭代表李春臣等呈以棹尾主推翻成案侵佔棹頭梢工請令縣禁止以維生活等情並附照片據此查梢運木棹本應勻分工作何得侵佔壟斷該代表所稱各節如果屬實應卽出示嚴禁以維工人生計除批示外合行檢發副呈照片仍繳此令計發副呈一件照片二張等因奉此正在核辦間並奉民政廳令同前因並據李春臣呈同前情各奉此除呈覆外合行佈告仰

古田縣志

卷之十七

實業志

四

該處棹頭棹尾各梢夫一體遵照凡有木棹到地務各依照舊例配梢不得侵佔棹頭梢工倘再滋生事端定卽拘究不貸其各凜遵毋違特此佈告民國十八年十一月十四日給

鐵業

鐵砂隨地皆有而以大東鄉西鄉爲最土人洗砂之法視山之有礦砂者引水爲溝下承以木槽三將砂土入溝逐層推蕩之其沉槽底色黑者卽鐵砂將砂入爐鍊之初鍊者爲生盤再鍊一次剪成方塊則成鐵矣然煽鐵之處必視材木之

有無爲定無森林之處炭無所出雖有砂不能成鐵也邑產之鐵甚有名於世界據調查實業家言可與羅馬產品同等云前志載明代僅鐵坑四所一在五都油麻坑一在九都十□一在二十三都樟柏賽一在四十一都南陀設鐵爐五座每爐年納

課九十兩閏年加銀七兩萬歷間知縣王繼祀以便商而不便民詳請封閉各爐此則今昔政策之不可也清同治間全邑有鐵爐二座一爲余寶順一爲張文全除銷售各地農鐵外省城馬江船廠皆取資焉光緒末余寶順一爐報銷至民國則由財

政廳領帖煽爐□三曰文全曰金合利曰順利每爐年納課銀七十兩今金合利已報□民國二十九年又有爐商魏柏南領□開辦振民字號□爐設在四區埧裏廠地方

鍋業

由鐵爐商文全金合利順利等三號領帖兼辦□爐年納課銀五十兩查文全鍋爐設在南關外六保地方金合利鍋爐設在大東鄉吉洋地方□利鍋爐設在大東鄉西洋地方萬鑄鍋原料多用生盤或參用舊鼎銘週一晝夜照常可出八十口每口計重十一斤至小鍋分數稱名不一該鍋爐二號全年約共售鍋五六千口小鍋約共二三千口均在本□各處銷售今金合利已報銷民國二十五年又有爐商江志修領帖開辦新和字□鍋爐設在一區石獅橋地方民國二十六年又有爐

商江文金領帖開辦雙和順字號鍋爐設在一區石獅橋地方民國二十七年又有爐商黃訪侯□帖開辦裕民字號鍋爐設在三區鶴塘下爐廠地方

瓷業

邑大東鄉蘇洋廣洋各有瓷窰小東鄉吉口巷頭坪一帶地方瓷窰較多民國初年孔知事憲洛全陳商會長廷鏞到該地查勘各該窰瓷器提倡改良一面組織同業公會自是該處瓷業頗有進步銷路亦比前發達五都碗廠村及四四都

半嶺村均瓷窰有只造茶杯盞碟碎具而已棗坪村于數年前開辦瓷窰旋因不甚發達停辦

紅釉

邑東北等區出產品以紅釉為大宗北區居多數大東區次之小東鄉又次之用法用山稻或糧米炊熟拌以醋糟窖之陰溼不通風之屋內上蓋草簣使其發熱時至則成紅釉矣分數種曰市釉曰色釉曰□釉名既不一銷路亦不等近售本

轄及連羅福甯省城遠則販運上海甯波天津各埠為製酒之原料

茶業

清同光間茶業為本地出產品一大宗縣城及西區七保北區平湖大東區鶴塘杉洋鄒洋等處均有茶行迄清季本地茶業失敗茶行儘閉歇茶山亦荒邇來有名于社會者只九都之烏龍十七都之水仙而已惟出產有限不敷本地銷售

此外如大東區鶴塘杉洋鄒洋等鄉製造綠茶尚有運省銷售然不及從前遠矣

紙業

邑小東區上南區產竹之鄉居民恆設廠造紙然紙質粗而且厚產亦不多僅供本地之用惟大東區三十七三十八兩都製造較精產□頗豐富多連售甯德羅源或上海天津各埠名為海紙又西區潮漁柳城各鄉多產棉紙擣山芋為之

可為雨傘之原料

筭廠

南區七都十三都等鄉多產竹貓竹居多斑竹次之鄉民于春季設廠將貓筭焙乾謂之筭干有運售外省者斑筭產額有限只售本地其口味以西關外明府山為最佳

磚瓦廠

附郭二廠一在十二都六保一在十五都龍亭此外如十六都瓦廠崗一廠四都石榴港一廠各該廠所出磚瓦石榴港為最龍亭次之六保及瓦廠崗又次之至東西南北離城較遠之鄉多有磚瓦廠但或常設或暫設不等

古田縣志

卷之十七

實業志

五

硃廠

邑十四都硃窰壠地方設有硃窰所出硃器質頗堅實俗呼為縣硃北區十八都地方亦有硃窰所出硃器色較光潤俗呼為都硃其他如東西南北各區均有硃窰大抵供本地人家之用得利尚薄不過敷工食而已

油業

有□油桐油菜油三種菜油不多農民祇數家用西鄉多產□油桐油以東鄉三十八三十九等都為多近時價昂各處多種其榨油方法先將□子桐子確為細末籠以□環然後裝入油槽中以重力榨之則油由槽中流出其渣粕為籠可

為肥料

菸業

本邑土烟分紅黃兩種紅烟用本轄菸葉和茶油罄紅製造之黃烟則購閩清下洋菸葉和茶油姜黃製造之惟水口灣口等處菸商多月沙縣菸葉製造黃烟材料優美價□亦昂貴

林業

邑轄多山同少栽種惟大東區各鄉農民有居山廠者□于農隙從事林業尤以四一都馬坂余姓公有之雷峯山森林為最有名迄清季疊經官紳提倡造林自是民間頗注意或個人自種或組織公司為之逐漸發達間以松樹為多杉木

次之凡屬公司性质者恆呈請主管官廳立案一面示禁砍伐又縣黨部有舉行進林運動並種植黨員林可為民衆示範矣

織業

邑轄舊無織布人家需用布疋均由省城或甯德販運迄清光緒中葉北區十七十八兩都商民提倡織布特聘技師招徒教授自是人家婦女逐漸學織不數年間幾于家置一機所織之布分為都支及愛國布各種名目銷舊于本轄及隣

縣等處民國以來城廂各處時間□聲織布局計有數家而人家婦女操是□者比比皆是計每人每日多者可得值二三百文少亦百餘文

附載

本邑農民耕田向用海鹽為肥料嗣因鹽價昂貴改用外國輸入

之洋碱然洋碱之功用祇足培壅禾苗而結實不如料鹽遠甚且每年金錢流出外洋殆不可以數計民國二十五年冬本省建設廳長陳體誠蒞古考察政治因查悉本邑田土宜鹽遂於本春先行採辦五十萬斤令縣政府組織貸放機關貸給農民以資試辦將來此種辦法果能垂之久遠則振興農業杜塞漏卮實爲莫大關鍵云

古田縣志

卷之十七

實業志

六